

國子監志

國子監志卷三十一

禮志七

獻功

康熙三十五年。

聖祖仁皇帝親征厄魯特噶爾丹朔漠蕩平。禮部奏請  
舉行慶典。

特遣官釋奠

先師孔子。

聖祖仁皇帝御製平定噶爾丹告祭

先師孔子文

朕服膺聖訓，殫究遺文。凡茲六籍所垂，惟以安民為要。臨御以來，孜孜圖治。綏乂蒸民，遠邇中外，視同一體。乃有厄魯特噶爾丹荒陬狡寇，肆虐跳梁，擾毒邊方。稔惡已極，朕親統六師，三臨絕塞，宏彰捷伐，克奏膚功。逆孽就俘，克渠殄滅。遐荒番部，罔不歸誠。自茲永靖邊塵，咸安生業，惟是至聖先師，默相啟佑。特遣專官，敬申禋祀，祇告成功。伏惟昭鑒，尚饗。

四十三年。

御製平定朔漢碑文勒石國學

碑亭建大成殿階下甬道西

聖祖仁皇帝御製平定朔漢告成太學碑文

維

天盡所覆海內外日月所出入之區悉以畀予一人自  
踐阼迄今早夜殫思休養生息冀臻熙皞以克副維  
皇大德好生之意庶幾疆域無事得以偃兵息民乃  
厄魯特噶爾丹阻險北陲因此一方人旣荼毒塞外  
輒狡焉肆其克逆犯我邊鄙虐我臣服人用弗寧夫

蕩寇所以息民。攘外所以安內。邊寇不除。則吾民不安。此神人所共憤。天討所必加。豈憚一人之勞。弗貽天下之逸。於是斷自朕心。躬臨朔漠。欲使悔而革心。故每許以不殺。彼怙終不悛。我師三出。絕塞朕皆親御以行。深入不毛。屢涉寒暑。勞苦艱難。與偏裨士卒共之。迨彼狂授首脅從。歸誠荒外。君長來享。闕下西北萬里。灌燧銷烽。中外又謐。惟朕不得已用兵。以安民。既告厥成事。乃蠲釋昔災。潔事禋望。為億兆祈昇平之福。而廷臣請紀功太學。垂示來茲。朕勞心於邦。

本嘗欲以文德化成天下。顧茲武略。廷臣僉謂所以  
建威消萌。宜昭斯績於有永也。朕不獲辭考之禮王  
制。有曰天子將出征。受成於學。出征執有罪。反釋奠  
於學。以訊馘告。而泮宮之詩亦曰矯矯虎臣。在泮獻  
馘。又禮王師大獻。則奏愷樂。大司樂掌其事。則是古  
者文事武事為一。折衝之用。具在樽俎之間。故受成  
獻馘。一歸於學。此文武之盛制也。朕嚮意於三代。故  
斯舉也。出則告於神祇。歸而遣祀闕里。茲允廷臣之  
請。猶禮

先師以告克之遺意而於六經之旨為相符合也爰  
取思樂泮水之義為詩以銘之以見取亂侮亡之師  
在朕有不得已而用之之實或者不戾於古帝王伐  
罪安民之意云爾銘曰

巍巍

先聖萬世之師敬信愛人治平所基煌煌聖言文武  
道一禮樂征伐自天子出朕臨域中逾茲三紀嘗見  
美牆寤寐永矢天下念民瘼上承

帝謂四海無外盡隸侯尉維彼克醜瀆亂典常既梗聲

教遂窺我疆。譬之於農。患在螟螣。秉畀不施。將害稼穡。度彼游魂。險遠是怙。震以德威。可往而取。朕志先定。龜筮其依。屬車萬乘。建以龍旂。祝融駉鸞。風伯戒途。宜賜而陽。利我樵蘇。大野水涸。川瀆效靈。衆忽自湧。其甘如醴。設為犄角。一出其西。一出其東。中自將之。絕域無人。獸羣自掩。五日窮追。彼狂走險。大殲於路。波血其孥。翦其黨孽。倖彼卒徒。衆烏畫號。單馬宵遁。恐久駐師。重為民困。慎固戍守。還轅於京。自夏徂冬。雨雪其零。載馳載驅。我行至再。蠢茲窮寇。昏惑不



悔我邊我氓以休以助爰寧其居爰復其賦藩落老  
稚斯恬斯嬉歲晏來歸春與之期春風飄翩揚我旆  
旂我今于邁如涉我郊言秣我馬狼居胥山登高以  
眺閔彼彈丸天降克罰孤雛就羈三駕三捷封狼與  
尸既腊臬鏡既獮豺貙大漠西北解甲棄屐振旅凱  
入澤霈郊卜明禋肆赦用迓景福昔我往矣在泮飲  
酒陳師鞠旅誓屈羣醜今我來思在泮獻功有赫頌  
聲文軌來同采芹采藻頌興東魯車攻馬同亦鐫石  
鼓師在安民非出得已古人有作昭示斯旨緬惟虞

廷誕敷文德聖如

先師戰慎必克惟兵宜戢惟德乃綏億萬斯年視此  
銘詞

還 雍正二年大兵西征羅卜藏丹津青海底定凱

世宗憲皇帝御午門受俘

遣官釋奠

先師孔子三年

御製平定青海碑文勒石國學

碑亭建大成殿  
階下甬道東南

世宗憲皇帝御製平定青海告成太學碑文

我國家受

天眷命撫臨八極日月所照罔不臣順遐邇通久安兆人  
蒙福乃有羅卜藏丹津者其先世固始汗自國初稽  
首歸命當時使臣建議畀以駐牧之地其居雜番羌  
密近甘涼我

皇考聖祖仁皇帝睿慮深遠每厯於懷既

親御六師平定朔漠威靈所加青海部落札什巴圖兒  
等震誓承命

聖祖仁皇帝因沛殊恩封為親王兄弟八人咸賜爵祿

羈縻包容示以寬大而狼心梟性不可以德義化三十年來包藏異志朕紹登寶位優之賜賚榮其封號尚冀革心輯寧部衆而羅卜藏丹津昏謬狂悖同黨吹拉克諾木齊阿爾布坦溫布藏巴札布等實為元惡謂國家方宏浩蕩之恩不設嚴密之備誕敢首造逆謀迫脅番羌侵犯邊城反狀彰露用不可釋於天誅遂命川陝總督太保公年羹堯為撫遠大將軍聲罪致討以雍正元年十月師始出塞自冬涉春屢破

其衆凡同叛之部落戈鋌所指應時摧敗招降數十萬衆又降其貝勒貝子台吉等二十餘人朕猶聞其蠢愚若悔禍思愆束手來歸尚可全宥而怙惡不悛負險抗違乃決翦滅之計以方略密付大將軍羹堯調度軍謀簡稽將士用四川提督岳鍾琪為奮威將軍於仲春初旬

禡牙徂征分道深入搗其窟穴電掃風驅搜剔巖阻賊徒蒼黃靡潰窮蹙失據羅卜藏丹津之母及謀逆渠魁悉就俘執擒獲賊衆累萬牲畜軍械不可數計

賊首逃遁我師踰險窮追獲其輜重人口殆盡羅卜藏丹津子身易服竄匿荒山殘喘待斃自二月八日至二十有二日僅旬有五日軍士無久役之勞內地無轉輸之費克奏膚功永清西徼三月之朔奏凱旋旅鏡鼓喧轟士衆訢喜四月十有二日以倡逆之吹拉克諾木齊等三人獻俘

廟

社受俘之日臣民稱慶伏念

聖祖仁皇帝威靈震於遐方福慶流於奕葉用克張皇

六師殄滅狂賊行簡將士亦由感激

湛恩厚澤為朕踴躍用命斯役也芟夷凶悖綏靖番羌  
俾烽燧永息中外人民胥享安阜實成

先志以懋有不績廷臣上言稽古典禮出征而受成於  
學所以定兵謀也獻馘而釋奠於學所以告凱捷也  
宜刊諸珉石揭於太學用昭示於無極遂為之銘曰  
天有雷霆聖作弧矢輔仁而行威遠寧邇維此青海  
種類實繁錫之茅土列在藩垣被我寵光位崇祿富  
負其阻遐禍心潛構恭惟

聖祖慮遠智周。瞻念荒服。綏撫懷柔。朔野旣清。西陲攸震。禹號濟加。示之恩信。如何克狡。造謀逆天。鼓動昏慙。寇侵於邊。惟彼有罪。自干天罰。桓桓虎豹。爰張九伐。王師即路。冬雪初零。日耀組練。雷響鞀鉦。蠢茲不順。敢逆戎旅。奮張螳臂。以當齊斧。止如山嶽。疾如雨風。我戰則克。賊壘其空。彼昏終昧。曾不悔戾。當翦而滅。斯焉決計。厲兵簡將。往搗其巢。踰歷欽嶺。坦若坳郊。賊棄其家。我繫而獲。牛馬谷量。器仗山積。蹇兔失窟。何所遁逃。枯魚游釜。假息煎熬。師以順動。神明所



福旬日凱歸不疾而速殪彼逆謀懸首蒙街獻俘成  
禮金鼓調諧西域所瞻此惟雄特天討既申羣酋惕  
息橐戈偃革告成辟雍聲教遐暨萬國來同惟我

聖祖親平大漠巍功煥文邁桓軼酌流光悠久視此銘  
辭繼志述事念茲在茲

乾隆十四年大兵征金川酋長娑羅奔窮感乞  
降

高宗純皇帝憐而宥之金川底定凱旋廷臣請循

聖祖仁皇帝平定朔漠

世宗憲皇帝平定青海例告成於學

詔從之

遣官釋奠

先師孔子

御製平定金川碑文勒石國學

碑亭建大成殿階下甬道西

高宗純皇帝御製平定金川告成太學碑文

天昇我皇清握乾符俯坤軸函括萬邦悉主悉臣

五后纘承創守佑啟亦惟是二三蓋臣布德宣力予曰

有先後予曰有禦侮用造我不丕丕基罔有孽芽罔不

國子監志

卷三十一

禮志七  
大分

九

煦姬長養游於大當粵有金川婆羅奔者居西蜀桃  
關以外界綽斯甲小金川之間向曾從征得受符檄  
與諸土司齒顧恃其險遠夜郎自大構釁鄰番各土  
司申訴封疆吏吏曰蔓之不圖豈其視為甌脫乃請  
兵籌餉期掃其穴而司其事者或怯縮以老師或獯  
狡以蓄志軍無適從事用不集予心憫然念邊徼之  
不寧或致增防置戍重勞吾民大學士忠勇公傅恒  
義同休戚毅然請肩斯任乃命以經略印益厚集諸  
路軍芻粟相繼閭閻不驚卜吉於戊辰十一月之三

日

馮牙以指所征。朕親御武帳。賜經略酒以行。天日和  
昶。陽氣宣復。都人士聽。親聳躍。罔不忭喜。謂露布之  
旦暮至也。乃歷燕晉。驅秦隴。越劔閣。絕川江。凌桃關。  
之熾。徑天射之峻。又日討軍實。而教誡拊循之均。其  
渴飲飢食。同其曉征。夜眠。至於密贊機務。親草奏章。  
則又經略獨勤其勞。而諸武臣有所不知。有弗能共  
者。恩威既明。士用益勵。度番落如戶庭。過部伍於社  
席。奸酋授首。軍聲大振。復以巨礮擊其礪。堅礪以摧。

將俟諸軍之集。搗其中堅。而番酋駭。駭。稽首請降。經略臣以彼罪重。惡極窮而乞生。久或渝。且借焉。慮不允所請。朕惟

天地之德在好生。彼蟻潰而鼠駭者。毋寧赦而宥之。且求降而盡殲之。不可謂武矧不足以污我斧也。於是經略宣朕明旨。登壇受降。己巳二月之望日。金川平定捷音至京。是役也。深入數千里。奏凱未七旬。而振旅之師。多有返自中途。未究其用者。昔之成功。巴蜀如建武之定。公孫江陵之降。李勢皆在版圖之內。無

足比數廷臣舉

皇祖朔漢

皇考青海成例請勒碑成均以示來許夫秉丹誠而運  
籌決勝永靖荒徼者經略大學士之功也商可否於  
帷幄衝矢石於行陣者參贊大臣及諸將士力也朕  
何有焉惟是體

乾元之德凜佳兵之戒保大定功安民和衆庶幾可以  
垂則乎乃系之辭曰

維

天生人類聚羣分。凡茲林林孰非我民。有羈而縻。有誨而諄。豈伊異視。遠近殊倫。守在四夷。稽古名言。無已用之。寓義於仁。蠢彼金夷。恃其險阻。蠶食豨張。謂莫我拒。不靖不庭。侵厥鄰聚。駭奔叫呶。以干大咎。匪棘匪紓。獫狁之故。我張我伐。獫狁之故。我師既集。賊亦相持。匪敢相持。懼誅自支。兩易寒暑。救功稍稽。賊益以狂。怒臂當車。罪臣既誅。以徇我師。朕咨於恒。汝往視之。朕咨於恒。惟汝同德。惟我庶士。亦久於役。將茲旗兵。羽林神策。其勇熊羆。其心金石。何敵弗

推何攻弗克濟以汝忠奏捷頃刻恒拜稽首臣敢  
弗獲既

馮既宜師出于京師出于京時維一陽未逾五旬乃  
歷其疆前旌獵獵有節煌煌羣番迺驚謂自天降

維彼攸恃曰良爾吉以偵以課如鬼如蜮其恃爰誅  
其類股慄紀律是明戎兵是詰鑄礮攻礪其守以失  
惟是懼誅潛弗敢出其潛弗出乃且夕延將齊我  
軍披其中堅大韃大腓期日之前彼乃窮蹙乞降悚  
虔惟命是從六軍永遵除道築壇肉袒羊牽赳赳



鍾琪乃度之愬聿抵賊巢開誠以諭攜其二酋軍門  
親赴悔罪歸誠車塵馬足順斯撫之昭我王度昔也  
雷霆今也雨露 七縱諸葛單騎汾陽曰我相臣于  
前有光晉爵錫服黼黻龍章速歸黃閣左右贊襄休  
養生息惠鮮蜀邦我武既揚無疆惟慶

二十年大兵平定準噶爾倂達瓦齊伊犁底定  
大功告成

遣官釋奠

先師孔子二十三年

御製平定準噶爾碑文

碑序建

大成

高宗純皇帝御製平定準噶爾告成大學碑文

遼矣山戎薰粥旃裘毳幕之人界以龍沙畜其駢奚  
雖無恒業厥有分部蓋自元黃剖判萬物芸生東夷  
西夷各依其地謬舉淳維未為理據皇古莫紀其見  
之書史者自周宣太原之伐秦政互海之築莫不畏  
其侵軼猾夏是虞自時厥後一二奮發之君慨然思  
挫其鋒而納之宥然事不中機材不副用加以地遠  
無定處故嘗勞衆費財十損一得搢紳之儒守和親

介胄之士言征伐征伐則民力竭和親則國威喪於是  
是有守在四夷羈縻不絕地不可耕民不可臣之言  
興矣然此以論漢唐宋明之中夏而非謂我皇清之  
中夏也皇清荷

天之龍興東海撫華區有元之裔久屬版章歲朝貢從  
征狩執役惟謹準噶爾厄魯特者本有元之臣僕叛  
出據海西終明世為邊患至噶爾丹而稍強吞噬鄰  
蕃闌入北塞我

皇祖三臨朔漠用大破其師元惡伏冥誅脅從遠遯跡

母俾遺種於我喀爾喀厥姪策妄阿拉布坦收其遺孽僅保伊犁故嘗索俘取地無敢不共逮夫部落滋聚乃以計襲哈密入西藏準夷之勢於是而復張兩朝命將問罪雖屢獲捷而庚戌之役逆子噶爾丹策凌能用其父舊人乘我師怠掠畜於巴里坤擣營於和卜多於是而準夷之勢大張然地既險遠主客異馬此勞往而無利彼亦如之故額爾德尼招之敗彼亦以彼貪利而深入也

皇考謂我武既揚不可以既允其請和以息我衆予小

子敬奉

先志無越思焉。既而噶爾丹策凌死。子策妄多爾濟那木扎爾暴殘。喇嘛達爾扎篡奪之。達瓦齊又篡奪喇嘛達爾扎而酗酒虐下。尤甚焉。癸酉冬。都爾伯特台吉策凌等率數萬人來歸。越明年秋。輝特台吉阿睦爾撒納和碩特台吉班珠爾又率數萬人來歸。朕謂來者不可以不撫。而撫之莫若因其地其俗而善循之。且毋令滋方來之患於我喀爾喀也。於是議進兩路之師。問彼罪魁。安我新附。凡運餉籌馱。長行利戰。

之事悉備議之始熟經於庚戌之艱者咸懼蹈轍惟  
大學士忠勇公傅恒見與朕同而新附諸台吉則求  
之甚力朕謂犁庭掃穴即不敢必然喀爾喀之地必  
不可以久居若而人毋寧用其鋒而觀厥成即不如  
志亦非所悔也故凡禡旗命將之典概未舉行亦云  
偏師嘗試為之耳塞上用兵必以秋而阿睦爾撒納  
瑪木特請以春月欲乘彼馬未肥則不能逃朕謂其  
言良當遂從之北路以二月丙辰西路以二月己巳  
各起行哈密瀚海向無雨今春乃大雨咸以為時雨

之師入賊境凡所過之鄂拓克攜羊酒糗糒迎恐後  
五月乙亥至伊犁亦如之達瓦齊於格登山麓結營  
以待兵近萬我兩將軍議以兵取則傷彼必衆彼衆  
皆我衆多傷非所以體上慈也丁亥遣阿玉錫等二  
十五人夜斫營覘賊嚮賊兵大潰相蹂躪死者不可  
勝數來降者七千餘我二十五人無一人受傷者達  
瓦齊以百餘騎竄六月庚戌回人阿奇木霍集斯伯  
克執達瓦齊來獻軍門準噶爾平是役也定議不過  
二人籌事不過一年兵行不過五月無亡矢遺鏃之

費大勲以集遐壤以定豈人力哉

天也然

天垂佑而授之事機設不奉行之以致坐失者多矣可與樂成不可與謀始亦謂蚩蚩之衆云爾豈其卿大夫之謂既克集事則又曰苟知其易將勸為之夫明於事後者必將昧於幾先朕用是寒心且準噶爾一小部落耳一二有能為之長而其樹也固焉一二暴失德之長而其亡也忽焉朕用是知懼武成而勒碑文廟例也禮臣以為請故據實事書之其辭曰



茫茫伊犁大幹之西匪今伊昔化外羈縻條支之東  
大宛以南隨畜獵獸蟻聚狼貪乃世其惡乃恃其遠  
或激我攻而乘我緩其計在斯其長可窮止戈靖邊  
化日薰風不侵不距不來其那款關求市亦不禁訶  
始慕希珍終居奇貨吏喜無事遷就斯悞漸不可長  
我豈懼其豈如宋明和市之為既知其然飭我邊吏  
弗縱弗嚴示之節制不仁之守再世斯斬篡奪相仍  
飄忽荏苒夙沙草面煎鞏披忱集泮飛鴉食黓懷音  
錫之爵位榮以華裾膝前面請願効前驅兵分兩路

雪甲霜鋒先導中堅如鼉錯攻益以後勁蒙古舊屬  
八旗子弟其心允篤二月卜吉牙旗飄颻我騎斯騰  
無待折膠泉湧於磧蕪茁於路我衆歡躍謂有天助  
匪啻我衆新附亦云黃髮未覩水草富春烏魯木齊  
波羅塔拉台吉宰桑紛紛款納牽其肥羊及馬潼酒  
獻其屠耆合掌雙手予有前諭所禁侵陵以茶交易  
大愉衆情衆情既愉來者日繼蠢達瓦齊擁兵自衛  
依山據淖惟旦夕延有近萬人其心十千勇不目逃  
掄二十五日阿玉錫率往賊所銜枚夜襲直入其郭

揮矛拍馬大聲疾呼彼人既離我志斯合突將無前  
縱橫鞞器索角鹿埵隴種東籠自相狼籍孰敢撓鋒  
狐窟鼠逃將往異域回部遮之克渠斯得露布既至  
告

廟受俘凡此歲功荷

天之衢在古周宣二年乙亥淮夷是平常武詩載越我  
皇祖征噶爾丹命將禡旗亦乙亥年既符歲德允協師  
貞兵不血刃漢無王庭昔在準夷弗恭弗諛今隨師  
行為師候尉昔時準夷日戰夜征今也偃臥知樂人

生曰匪準夷曰我臣僕自今伊始安爾游牧爾牧爾  
耕爾長孫子曰無向非豈有今是

兩朝志竟億萬基成側席不遑保泰持盈

高宗純皇帝御製平定準噶爾勒銘伊犁之碑

惟

天盡所覆俾我皇清罔不在宥惟清奉

昊天撫薄海兆庶悉主悉臣叶

太祖

太宗

世祖肇基宅中皇耆其武

聖祖

世宗親光揚烈克臻邳隆逮予藐躬思日孜孜期四海  
同風咨汝準噶爾叶亦蒙古同類何自外攜數世梗  
化篡奔相仍碩仇其下厥達瓦齊甚毒於醒衆心底  
底如苗斯蠱如虺斯螫衆口嗷嗷視爾嗷止予焦勞  
止期救不崇朝止視爾底止予噫嘻止亟出汝泥塗  
止迺命新附爾為先鋒熟悉其路迺命勁旅攜數月  
糧毋或掠虜師行時雨王旅嘽嘽亦無滌阻左旋右

抽王旅渾渾既暇以休烏魯木齊及五集賽度之折  
折台吉宰桑迎降恐後奚事斧吭波羅塔拉闐爾奇  
嶺險如關闔倒戈反攻達瓦齊走旦夕途窮回部遮  
獲彼鼠斯喙地入無隙露布飛至受俘午門爰貸其  
罪自今以始四部我臣伊犁我宇叶曰綽羅斯及都  
爾伯特和碩特輝特封四可汗衆建王公游牧各安  
宰桑公臣屬我旗籍誰汝苦辛爾恭爾長爾尊爾幼  
徐以教養爾駝爾牛爾羊爾馬畜牧優游分疆各守  
毋相侵陵以干大咎齊禦外域曰布魯特越哈薩克

醉飲飽食敬興黃教福自天錫伊犁平叶矣勒貞珉  
矣於萬斯年矣

謹案是碑恭勒於

御製平定準噶爾告成大學碑之陰故謹編於此餘不

登載

國子監志卷三十二

禮志八

獻功

乾隆二十四年回部全境蕩平

天威遠播拓地二萬餘里大功告成

遣官釋奠

先師孔子

御製平定回部碑文勒石國學

碑亭建殿階下甬道西大成

高宗純皇帝御製平定回部告成太學碑文



建非常之功者以舉非常之事舉非常之事者以藉非常之人然亦有不藉非常之人而舉非常之事終建非常之功者則賴

昊蒼篤旤神運幹旋事若禍而移福機似逆而轉順順天者昌逆

天者亡故犁準夷之庭掃回部之穴五年之間兩勲並集始遲疑猶未敢信終劼劼以底有成荷

天之龍在茲畏

天之鑿益在茲爰叙其事如左達瓦齊之就俘也伊犁

已大定矣。無何而阿睦爾撒納叛。彼其志本欲藉我力以成已事。時也。人心未定。佐饗者嘗一蠖肆狂。萬狙應響。蜂屯蟻襍。不可爬梳。畏難者羣謂不出所料。準夷終不可取。竝有欲棄巴里坤為退守謀。然予計其衆志不齊。將有歸正倒戈者。於是督策將帥之臣。整師竝進。既而伊犁諸台吉宰桑果悔過。勤王思討逆賊以自贖。此

天恩助順者一也。二酋大小和卓木者。以回部望族。久為準噶爾所拘於阿巴噶斯鄂拓者也。我師既定伊

梨乃釋其囚以兵送大和卓木波羅泥都歸葉爾奇  
木俾統其舊屬而令小和卓木霍集占居於伊犁撫  
其在伊犁衆回乃小和卓木助阿逆攻勤王之台吉  
宰桑等阿逆賴以苟延及我師再入阿逆遂逃入哈  
薩克而霍集占亦卽收其餘衆竄歸舊穴此

天恩助順者二也準夷之事前紀略見梗概茲不復紀  
紀興師討回之由則以我將軍兆惠在伊犁時曾遣  
副都統阿敏道往回議事小和卓木乃以計誘阿敏  
道而拘之及我師底庫車問罪彼攜阿敏道以來援

至中途害之。及從行者百人，彼猶逞其狂悖，抗我師。顏且敢冒死入庫車城，乃雅爾哈善略無紀律，致彼出入自由。然我滿洲索倫衆兵士，無不念國家之恩，效疆場之力，故能以少勝衆，逆渠懼而免脫。此

天恩助順者三也。知債轅之無濟，掄幹材之可任，時將軍兆惠以搜勦準夷餘黨，至布露特部落已款服。其衆因命旋師定回部。於是克庫車存沙雅爾定阿克蘇，略烏什，收和闐師之所至。降者望風，直至葉爾奇木城下。而我軍人馬周行萬有餘里，亦猶強弩之末。

矣二酋以其逸待之力統數萬人與我三千餘人戰我師之過河者纔四百餘猶能斬將奪旗退而築堡黑水固守以待此

天恩助順者四也萬里之外抱水救火其曷能濟乃予以去年六月即降旨派兵撥馬欲以更易久在行間者耳故兵馬率在途一趨進而各爭前恐後人人有敵愾之憤此

天恩助順者五也副將軍富德及參贊舒赫德輩率師進援以速行戈壁中馬力復疲值狂回據險坐俟頗

有難進之勢。夫援軍不能進，則固守以待者危矣。而參贊阿里袞驅後隊之馬適至，夜擄賊營。我師內外夾攻，彼不知我軍。凡有幾萬，握炭流湯之徒，自相蹂躪，顧命不暇。於是解黑水之圍，鹿駭虜驚遁而保窟。我之兩軍合隊全旅以迴阿克蘇。此

天恩助順者六也。既而彼料我必再入泰山之壓，難當。乃於我師未進之先，攜其部落，載其重器，跳而遠去。而葉爾奇木、喀什、哈爾二城之舊伯克等，遂獻城以降。參贊明瑞一邀之於霍斯庫魯克，副將軍富德再

陷之於阿爾楚爾於是離心者而內前途者反旆二酋惟挈其妻孥及舊僕僅三百人入拔達克山境此天恩助順者七也人跡不通之地語言不同之國旣已雀駭寧不狼顧其授我與否固未可定也然一聞將軍之檄莫不援旗請奮整旅前遮遂得克渠函首露布遙傳此

天恩助順者八也夷考西師之役非予夙願之圖何則實以國家幅員不為不廣屬國不為不多惟塵守成之志無希開創之名兼以承平日久人習於逸旣無

非常之人安能舉非常之事而建非常之功哉然而  
輾轉輻湊每以艱而獲易視若失而反得故自締始  
以逮定功雖予自問亦將有所不解其故而不敢期  
其必然者故曰非人力也

天也夫

天如是顯佑國家者以

祖宗之敬

天愛民蒙

眷顧者深也則我後世子孫其何以心



上蒼之心志

列聖之志，勉繼繩於有永，保丕基於無窮。乎繫以銘曰：二首僭德，始亂為賊。是興王師，報怨以直。伊犁既平，蕞爾奚屑。徐議耕闢，徐議戍設。以嗅以味，伊予本懷。豈其弗戢，固彼藐回。彼回不量，怒臂當車。戕我王臣，助彼狂狙。始攻庫車，債轅敗事。用人弗當，至今為愧。悖逆罪重，我武宜揚。易將整師，直壓彼疆。阿蘇烏什，玉隴和闐。傳檄以定，肉袒羊牽。二首孽深，知不可活。狼狽相顧，固守其穴。桓桓我師，周行萬里。馬不進馬。

強弩末矣。以四百人戰萬餘虜，退猶能守黑水禁堡。間信達都為之傷悼。所幸後軍早行在道，督敕速援。人同怒心，曾不兩月，賊境逼臨，賊境逼臨，彼復微隙。馬繼以進，賊營夜斫，出其不意，賊乃大驚，謂自天降。孰敢鋒撓，大鞞大膊，如虎搏兔，案角隴種，誰敢迴顧。黑水圍解，合軍暫旋，整旅三路，期並進焉。賊偵軍威，信不可支，挈其妻孥遁投所依，所依亦回，豈不自謀。豈伊庇猿而受林愛，利厥輜重，無遺盡掠，遣其都丸。遂來獻馘，詎惟獻馘，竝以稱臣，捧貴表章，將詣都門。

奏凱班師前歌後舞尸逐染鏑溫禺釁鼓露布至都  
正速初陽

慈寧稱慶亞歲迎祥

郊廟告成諸典竝舉皇皇太學豐碑再樹豐碑再樹敢  
予喜功用不得已

天眷屢蒙始之以武終之以文戡亂惟義撫衆惟仁布  
惠施恩寰寓共喜古不羈縻今為臣子疆闢二萬兵  
出五年據實書事永矢乾乾

四十一年大兵進克噶喇依獲促浸土司索諾

木及其頭人等兩金川全境蕩平大功告成

遣官釋奠

先師孔子

御製平定兩金川碑文勒石國學

碑亭建大成殿  
階下甬道東南

高宗純皇帝御製平定兩金川告成太學碑文

太上立德其次立功又其次為立言而德與功皆賴  
言以傳言之無文行而不遠文之時義大矣哉然傳  
德之辭直而寡傳功之辭費而多直而寡者不因文  
而德自見二典三謨經世立教是也費而多者必因

文而功乃明周誥殷盤佶屈聳牙是也吾嘗讀韓昌黎平淮西碑益悉此言之不爽何則彼其藩鎮乃家奴之類憊患因循以致宛成敵國削而平之是宜引以為愧而不可炫以為功賴昌黎之文幾與江漢常武同稱者定然有識者固知其辭費而多飾而未知憲宗之愧與弗愧耳今之平定金川之文不有類於斯乎解之者曰逆首羈縻徼外非若淮蔡之居中土元濟之為世臣也吾則以為既已受職為土司則是我臣而其地近接成都遠連衛藏則是我土我土我

臣而橫生逆志。蠶食鄰封。將欲大有所為。弗勦而滅之。則西川將不能安枕。茲雖歲事。與平定淮蔡。擒吳元濟。何以異。故宜引以為愧。而不可炫以為功者。以此。金川之始。見於己巳。告功之文。茲不復記。記其復叛而復征。則其陰謀負恩。己自戊寅年始。蓋戊辰之師。實緣其跳梁不靖。而師既臨境。彼即窮蹙乞降。遂以赦罪班師。甫十年。而其首郎卡。即與革布什咱。構釁。又四年。遂與綽斯甲布及三雜谷為敵。而逆子索諾木。凶恃益甚。自恃地廣人衆。力強與各土司構兵。

訖無寧歲故各土司皆畏之如虎而以勢分力散又  
莫能如之何予以為業已受其降不宜復加兵且蟻  
鬪蠻觸不足以勞王師因命地方文武大吏隨宜彈  
壓令弗越內地界亦足以安民而示度耳不虞地方  
大吏欲息事而每示寬逆酋轉以為無足懼而日益  
逞其小金川逆酋僧格桑者始則與索諾木水火相  
仇繼乃狼狽為奸於是索諾木計殺草布什咱土司  
色楞敦多布取其印敕以歸而僧格桑亦侵佔鄂克  
什地界且發兵圍其土司色達拉之官寨期必於取

總督阿爾泰提督董天弼知事不可掩乃有發兵之請是役也或咎阿爾泰依違誤事之過而予則以為

阿爾泰之過皆予之過蓋金川因其地險衆悍久蓄

異志是以有殺至維州橋之謠

維州本漢徵外羌舟駝地蜀將姜維征羌

駐此築壘後因名為姜維城唐武德初因其地置維州屢叛屢復廣德中陷吐蕃號為無憂城遂屢入寇

授大中時始復內附五代蜀州內徙改縣曰保寧宋景德初改曰威州元至元間以州治保寧縣并入明

洪武初於州境析置保縣本朝雍正五年省威州入保縣屬茂州今其地尚有維州橋之稱而從沒番

人以殺至維州橋播為謠曲似則其不忘內地情率俸聞吐蕃舊事妄冀效尤耳

可知戊辰之役我師深入屢勝即不宜赦其罪而受



其降此一誤也甫十年而郎卡借恩作亂以及逆子踵其蹟皆不及發兵問罪惟令地方大吏隨宜處置又屢誤也以至尾大不掉終於興師故予不咎人之議為窮兵黷武而轉咎己之類於姑息養奸蓋中國之制外域張撻伐則彼畏而斂跡主和好則彼輕而生心漢唐宋明之覆轍率可鑒也若謂予窮兵黷武則子賴

天恩平伊犁定回部拓疆二萬餘里豈其尚不知止足而欲滅蕞爾之金川以為揚赫濯紀勳烈之圖哉雖

然平伊犁定回部其事大矣然費帑不及三千萬成  
功不過五年茲兩金川小寇地不餘千餘里人不滿  
三萬戶而費帑至七千萬成功亦遲至五年則以跬  
步皆險番奴致命死守故能延至今日而我將軍阿  
桂立志堅定決機明敏兩副將軍及參贊領隊諸臣  
同心合力各軍士敵愾奮勇凡經大小數百餘戰而  
後成功視平伊犁定回部費力轉不啻倍蓰設非

天恩助順衆志成城則金川未易言滅而國威或致少  
損矣是不可不紀觀斯文者尚諒予懷慚悔過之不

暇知非稱功誦德而為言其庶幾乎繫之以辭用誌始末云爾

小金首禍曰僧格桑兵救鄂什向稱沃曰今定為鄂克什急呼之則鄂什

也竟抗顏行僧格桑於庚寅夏與鄂克什土司構怨稱兵阿爾泰董天弼親往城諭泰稱逆

首逆殺退師亦遂釋而不問未數月復圍鄂克什辛卯夏阿爾泰乃遣兵護鄂克什而逆酋亦遂與官兵

文督臣提臣每事遠就知弗勝任將軍別授阿爾泰等名為

進兵仍思遠就完事因諭溫福由滇赴川經理軍務且命桂林馳往視之辛卯冬因阿爾泰始終遲疑玩

愒遂罷其職而以溫福代為大學士投定邊將軍由西路督兵進攻其四川總督則令桂林代之統兵攻

勒南攻破巴朗向訛為班直取達圍進抵資哩數月

路

克之兩路夾擊遂得美諾鼠竄狼奔金川助惡

溫福初至

西路即策勵將士攻克巴朗拉乘勝直取達圍進攻  
資噶數月而克之繼命豐昇額為副將軍同溫福進  
勦賊尋退還木爾坳我兵進抵路頂宗杜林在南路  
其始頗合機宜連破約咱卡了諸寨並復羊布什咱  
使地尋為宋元俊所誤致有墨壘溝之失杜林匪不  
上聞為阿爾泰所勦因即罷斥而今阿桂為副將軍  
赴南路代領其兵南路自達烏至僧格宗皆峭壁懸  
崖礮卡林立阿桂董飭官軍勵勇推堅深入其阻驟  
勝逆擣美諾賊巢壬辰十一月遂克之溫福亦攻克  
明郭宗至美諾與阿桂會復督兵攻取布朗郭宗逆  
酋自僻徑竄入金川擒其父澤旺解京乃傳檄撫定  
汗牛大板昭等寨蕩小金川悉平而金川逆酋索諾  
木復敢黨惡拒命既平趙拉小金川番遂討促漫  
因移兵並勦之語本名金

川番名雪多境險奏功以沈奏功以沈賊更遮都綠營

怯懦遇戰辟易

攻勦促沒之兵溫福由功噶爾拉阿桂由當噶爾拉分兩路並進功噶之

前為卡撤了口賊築礮斷徑不能進遂別由昔嶺繞攻而礮堅地險兼多兩雲攻之半年雖屢得賊卡終

未托其要害綠旗兵既愓慈溫福又不善調度以二萬餘人散佈各卡防衛遂以分而見單賊窺其罅隙

於癸巳六月遠者衆數百由間道潛出煽誘趙拉降番復叛董天弼庸懦失守為賊所戕賊益猖獗擾溫

福復路遣侵大營綠營兵衆先潰將領戰沒者多溫福率親兵與賊搏戰亦遇害備拉之地復失逆酋等

罪大惡極愈兵既無能將復失算豈如南路全師而不可寬矣

返叶阿桂在當噶軍律明而士心固賊不敢犯然木果木有事之後當噶亦難獨駐遂整勵兵衆由

南路全重調勁旅吉林索倫健銳火器其心忠純已前師而出

簡派八旗兵三千令赴川助勦為溫福等奏止使木果木軍營有滿洲兵在彼則綠營得所依恃亦不至

倉皇潰竄。是其事仍由溫福自快。幸阿桂一路軍氣甚驚。即投為定西將軍。竝選健銳火器營兵三千。吉林索倫黑龍江兵四千。仍分兩路。堂堂正正。不旬日。迅赴軍營。重籌進勦。

間美諾重定

癸巳冬。將軍阿桂統兵由西路進。攻其南路。則令明亮為副將軍進勦。兩路並

進。所向克捷。旬日之間。即收復小金川全部。

谷噶既入。馬尼聳並克。麥養

旗兵允得其力。

阿桂等於甲午正月。搶佔谷噶。了口。山梁。明亮等亦於是時攻克馬尼兩

路之兵。皆因有八旗勁旅奮勇先登。綠醜三路進。一營觀感。激勸皆效。法恐後奏績甚速。

阻宜喜及彼絨布遇險而止。

副將軍豐昇額同舒常。於宜喜駐兵。與阿桂明

亮共成三路。第宜喜之兵。攻勦半載。未能寸進。而明亮則由馬尼攻得木路。卡卡角。及抵庚額特。亦阻險。而未克進。遂駐絨布寨。阿桂西路。則屢建功。羅博湖普逮。避克

宗

甲午三月阿桂攻克羅博瓦山梁六月攻克色洲

普此諸寨並峰峻礮堅賊求悉力死守官軍皆涉

險銳攻賊醜甚衆喇穆山梁日則了口舉默格爾以

遂臨避克爾宗

援其後我兵攻克色洲普後賊衆防守益乃阿桂偵

知喇穆山梁日則了口亦六月

分兵起趨進攻蓋據其礮並攻克日則了口亦六月

中軍其後兵進稍阻至十月初復繞道攻得默格爾

山梁其榮爲爾博日爾

八當噶之賊皆截於後明亮宜喜亦據嶺梁而復難

進徒然望洋宜喜爲賊要隘守禦極嚴豐昇額舒常

路舒常在彼更不能進甲午夏因明亮在賊有屢攻

未進不宜預兵於無用之地今其分兵七千移攻正

地明亮遣領卒往探不見賊蹤難以輕進亦赴西路

協勦阿桂札止之會綽斯甲布土司懇明亮駐宜喜

并願效前驅明亮乃出其不意分兵冒雨進遂據

宜善山梁並攻得俄坡格勒古賊因掘濠斷路明亮

等復為速昨乙未略康薩爾木思工噶賊碉竝毀阿

所阻矣。自攻得歐格爾，欲乘勝直進，賊復於康薩爾山梁抗

阻兩月餘，乙未正月，阿桂派兵分路潛進，拔其鹿角。

速越重濠，躍上碉頂，遂毀其碉。賊甚眾，四月，明亮

復攻，得木思工噶，克了口。從此下壓，勢益順矣。明亮

河西亦有所據，日旁以前五十里路。明亮因達爾圖

商之阿桂，謂當仍由宜喜一路進攻，並派西路兵一

千，令福康安帶往。攻克甲索、碩卡、海蘭察，亦往會攻。

合力并擊，先克撒撒谷。其日旁右之沙壩山，並達爾

圖得楞及溝內之斯年木咱爾各賊，皆紛紛棄碉遁。周圍五十餘里，夾河兩軍，聲息可通。竝清後路，避克

爾宗。五月中，明亮攻克額爾替、碩卡，可下至平坡。六

月間，復攻克石真噶寨。阿桂派兵沿河從赤爾

寨，攻打隔河之沙爾尼一帶兩岸，夾擊聲息可通。迨

阿桂攻得噶爾丹喇嘛寺等處，居高得勢，以避克爾



宗在我兵之後，留之非計。遂派兵三路分進，豈異額督率攻勦，或斫寨而入，或梯牆而進。遂得其碉，殺賊無算。後路蓄則大海、昆邑、拉枯、層層破要，步步披嶮，益肅清矣。

阿桂以昆邑爾喇嘛寺在拉枯喇嘛寺之上，於此路尤為扼要。其蓄則大海亦當並勦，分派將領統兵同往。其昆邑爾山梁最險，官兵皆緣附。上攻佔其碉寨，復縱火焚燒，拉枯喇嘛寺又攻得蓄則大海。官兵無不超越而登。遂克勒圍紅旗飛遞，而何四月大捷未飛騰而入。

至既克西里，乃若建瓴。科布曲索隆古不日而傾。阿

於八月十五夜，攻克勒烏圍。其附近碉卡木城六十餘處，一夕無不摧破。八日而紅旗遞至木薩，詳見聞捷凱歌及誌事詩。自奏捷後，四閱月。雖時有克復，未能深入。直至十一月，初攻克西里。軍聲愈壯，而賊勢愈蹙。尋即攻得科布曲索隆古山梁，並克格隆古兜窩等要隘。又掃清安布魯木一帶，益據建瓴之勢矣。

雍中舍齊易如拉朽密圍噶喇依賊其奚走由阿桂既

古進攻朗阿古則朗噶克丫口等處皆克之並據噶

占山嶽十二月十七日遂由瑪爾古常噶一帶寨落

悉行掃蕩並克舍齊喇嘛寺次日復攻克雍中喇嘛

寺即於十九日統兵直搗噶喇依四面圍攻水陸俱

斷促沒番衆自攻克勒烏圍以來大小男婦紛紛投

出其大頭人布籠普阿納木達什阿庫魯等遂皆相

率乞降並索諾木之母阿倉姑阿青及其姊妹亦皆

投至軍營命云索諾木莎羅奔兄弟并作慈之大頭

人丹巴沃雜爾等皆在圍中此蓋逆首賊黨等罪是

草深重天奪其魄驅之一處以就擒也

時河西明亮亦入富德馬邦傳檄芥拾爾古等寨克阿

取獨古木開通乃當山梁並擄甲鷄掃獨松河西一

帶悉行勦洗過河會阿桂合攻賊巢富德亦將河南

北之噶喇普庚額特曾達等各寨落全行掃蕩直搗

馬爾邦亦遣兵與阿桂會富德所得之地俱不煩兵

力易如設非西路圍噶喇依則其兩路亦無進期亮明

富德兩路向皆報於攻取而富德久駐絨布尤木能寸進自河桂既克索隆古來勝席捲已圍噶喇依各

處之賊皆膽破心散望風潰降非米由力戰而得若非西路官兵直搗我巢則明亮富德兩路仍未有進

期也諸軍既合火攻周遭雖據三穴訖其奚逃然猶

死守四十餘日計窮力竭乞命而出官兵四面合圍賊猶負隅力抗

繼用大破琛森僅其碉卡將士等乘勢克取旁近寨落層層逼近逼殲賊日多逆酋懼遣其兄岡達克彭

楚克次第詣營並即拘繫於是攻圍益急據其近碉斷其水道索諾木窘迫無計遂於二月初四日早率

其兄弟莎羅奔甲爾瓦沃雜爾斯丹巴并兩土城及黨惡大頭人丹巴沃離爾阿木魯綽窩斯甲尼瑪噶

喇克巴並兩喇嘛挈大小頭目男婦二千餘人出寨逆首脫捧印信乞免誅戮因即悉就擒復俘獻京師

自圓勦以來計四十餘日。至是全境蕩平。罪人斯得。紅旗於二月十二日馳至桃花寺行宮。通告功。

敬隨諭將軍阿桂。恭統成功將士。皇祖默佑。益深感。

回蹕。至黃新莊。舉行郊勞。大典。以昭優武。策勲之盛。金川之功。阿桂居首。特恩。

異數。加之宜厚。征勦金川之役。實由將軍阿桂。蓋誠

實為此事首功。特封為頭等誠謀英勇公。加賞。俊服。

孔雀翎紅寶石帽頂。四圍龍補褂。金黃帶紫雲。以昭

獎能。出能入有權。有經。運長擊短。後實先聲。金川之

功。允資羣力。寸步層峯。冰滑石仄。將軍指揮。無不奮

勇。以此破敵。虎埤隴種。金川之功。非予所期。事弗可

已。久而得之。關猶獸困。捨懲難助。念我衆勞。至今心

惻金川之功允賴

上蒼靖彼蕃徼我武維揚勒碑太學用遵成例靜言思  
之文以誌愧

道光八年大兵平定回疆勒擒逆裔

皇上御午門受俘九年

親詣

先師廟釋奠告功

御製平定回疆碑文勒石國學

碑亭建  
成門外西南

皇上御製平定回疆勒擒逆裔告成太學碑文

征而滅之謂之勦生而致之謂之擒命將出師聲  
罪致討此可必得之數也戰手張拳生累駢繫此  
不可必得之數也矧既已遁逃而猶望其自投羅  
網尤難之難矣乃失之而復得之且生得之此豈  
人力哉

天也。逆回張格爾者為薩木薩克之子自稱係和卓木  
後裔嘉慶二十五年冲巴噶什愛曼布魯特比蘇  
蘭齊與張格爾糾煽回衆殺傷卡倫官兵欲圍喀  
什噶爾經官兵擊敗張逆等竄逸道光四年張逆

復糾合回衆黃夜搶卡官兵殲獲助逆賊目張逆  
復遁五年差人詐降勾結四百餘人為亂因奈曼  
部落不從仍復竄赴薩雅克部落勾結汰劣克等  
同來喀什噶爾滋事巴彥巴圖帶兵出卡遇賊接  
仗中槍自刎朕諭慶祥往喀什噶爾督同永芹辦  
理勦捕事宜旋因永芹病歿以慶祥為喀什噶爾  
參贊大臣六年六月張逆率安集延布魯特五百  
餘人夜由開齊山路突至阿爾圖什回莊衆回從  
逆者多分投搶城臺路斷絕所調援兵路梗未能

猝赴英吉沙爾葉爾羌和闐既分兵應援存城兵少賊勢猖獗各城紛紛告急烏什阿克蘇二城亦俱戒嚴朕遂授長齡為揚威將軍楊遇春武隆阿參贊大臣先後調派吉林黑龍江官兵三千名各路官兵三萬二千餘名又簡派巴圖魯侍衛章京等馳往帶兵進剿隨頒發硃諭十條指授機宜而賊匪擾至阿克蘇渾巴什河南岸屯聚伺隙躡渡經長清達陵阿巴哈布等督兵晝夜嚴防兩路夾擊殺賊甚夥賊首奔竄追斃之楊芳搜勦柯爾坪



從逆賊匪殲戮殆盡。七年長齡等於二月初六日  
 統大兵進勦。二十三日。至洋阿爾巴特。甫經接仗。  
 賊勢披靡。布魯特俱奔竄。二十五日。進至沙布都  
 爾莊。兩次鏖戰。擒戮賊匪數萬。二十八日。進至阿  
 瓦巴特回莊。三次續獲勝仗。三月初一日。克復喀  
 什噶爾。張逆先已乘閒竄逸。長齡留喀什噶爾。楊  
 遇春等帶兵進勦。英吉沙爾葉爾羌。以次收復。楊  
 芳分勦和闐。亦克復其城。朕以四城雖定。逆首未  
 除。諭長齡派兵各要隘安營。務確探張逆蹤跡。期

於必獲。五月長齡奏張逆在木吉地方潛匿。飭安福等出卡追捕。添調楊芳督辦。張逆復竄拉克沙地方。檄令喀拉提錦部落助擒。朕諭楊遇春來京入覲。楊芳授為參贊大臣。長齡奏請仍留喀什噶爾。朕允其所請。並諭以張逆勢雖窮蹙。難保其不復來窺伺。該將軍等當嚴加防範。設法勦擒。張逆果於十二月二十七日。潛由開齊山路入卡。長齡楊芳分統將領。連夜勦捕。追及於喀爾鐵蓋山。兩路並勦。衆賊逃竄。張逆僅剩賊黨十餘人。情急將

自絕頸總兵胡超等奪刀生擒之餘賊殲戮無遺  
隨將張逆解大營檻送闕下獻俘長齡等紅旗報  
捷閱二十日遞至京師爰錫封長齡為威勇公楊  
芳為果勇侯其餘將士升賞有差朕思回疆自

皇祖高宗純皇帝平定以來休養生息六十餘年彼回  
衆踐土食毛無不感承

聖化乃張格爾以逆裔遺孽招集沙蟲之族潛行梟獍  
之謀朕何敢不導揚

先烈勉迪

前光。是役也。擒渠萬里而逆。奏績於一年以內。僮脅從之衆。一鼓就殲。而煽惑之魁。隻身遠遁。事未稱為盡善。功猶墮於垂成。且逆首或畏罪自戕。或拒追被戮。雖伸國法。未快人心。是既得而猶未得也。今則飛蛾赴火。自蹈危機。臨陣生擒。束手就縛。與檄諭外夷。設計獲馘者。厥功尤偉。然此豈人力所能為哉。罪人斯得。

天奪其魄也。我武惟揚。

天之所助者順也。禮曰。執有罪。告成於學。故據事書之。

繫以銘曰

惟我

皇祖拓土開疆，大小和卓自取滅亡。背恩反噬，敢肆鴟張。爰救將帥，翦彼披猖。二酋投首，獻馘廟堂。懾

威懷

德綏靖遐荒。濟惡作奸，薩木薩克。遠慝深藏，苟延喘息。弗忍加誅，投畀有北。逞其詭謀，為鬼為蜮。助虐者誰，狼心叵測。曰安集延，曰布魯特。根株弗斷，滋蔓難圖。蠢張格爾，甘自速辜。巧營三窟，雄長一

隅窺邊越卡常若覲覲有時擊敗窘若囚拘乘間  
而遁終為逃遁 煽亂游魂稽誅遺孽搶占城垣  
弃離巢穴虺毒豺克蜂屯蟻結竟抗顏行羣效據  
竊前圍後攻左牽右掣燎之方揚如火烈烈 恭  
行

天討詰爾戎兵卜云其吉命將邁征三戰三捷克復四  
城以少勝衆猛助軍聲狡哉鼠竄惜死偷生神人  
共憤星掃梟槍窮猿投林枯魚泣釜遯跡莫偵  
孰繫而虜自夏徂冬以防為堵彼若不來我焉能

取惟

天不容俾罹網罟故智復萌餘勇欲賈霜鋒雪甲桓  
桓我師賊奔馬走高山屢屨揮弓電閃激矢風追  
逆渠生縛援戈而麾自我勦之自我揜之堂堂正  
正盪定西陲將軍長齡首功懋賞參贊楊芳壯  
猷優獎爾公爾侯用褒忠讜大小臣工恩波浩蕩  
押獻戎俘乂安邊壤紫閣銘勳凌煙畫像凱歌  
除夕慶洽元辰萬方送喜九寓同春肇應靈序允  
惠黎民如

天之福如

天之仁。告功太學。勒碑成均。嚴恭寅畏。

天命凜遵。

謹案獻功見於魯頌。王制二篇。三代而下。獻俘受降。惟行於太廟社稷。而釋奠於學之典。闕如。我

朝

列聖相承。偶有小醜。陸梁自作。弗靖。命將遣師。蕩平迅奏。莫不祇循舊典。



遣官釋奠

先師而且樹豐碑於國學以紀成功我

皇上平定回疆告功

親祀

隆儀特舉

文德

武功尤度越前古萬萬矣